

Radio e Televisiun Rumantscha

Plazza dal teater
Via Masans 2
7002 Cuira

Tel. 081 255 75 75
Fax. 081 255 75 57
E-Mail: kartin.wyss@rtr.ch



Communicaziun a las medias

21avel TOP POP Rumantsch: La nova generaziun

Cuira, ils 03-06-2010 – Suentar ina pausa da bunamain mez onn cuntinuescha il TOP POP Rumantsch cun sia 21avla ediziun.

E puspè brigliescha la retscha musicala dal Radio Rumantsch cun ina novitad - Braida Janett è cun ses 17 onns la pli giuvna interpreta ch'il TOP POP ha già enfin uss. Ma la matta da Tschlin n'ha naginas retegientschas e chanta in frech «**Schmetta cun quai!**», en la tonalitat da las giuvnas chantaduras modernas dad ozendi. Senza però prender resguard sin models u idols da la scena - Braida è creschida si en in vast mund musical, cun clavazin classic en scola e saxofon en la musica da vischnanca, ses gusts van «da piz a chantun» e sia avertadad è program. E perquai n'ha ella er nagin problem dad intunar ina chanzun scritta sin mesira. La finala quinta la vusch - ina vusch frestga e genuina!

Braida Janett, annada 1993, pendulescha tranter sia chasa paterna a Tschlin (ses bab fa part dals famus Fränzlis) e ses lieu da scola a Cuira, nua ch'ella frequenta la 3. classa da la scola chantunal. Ella n'ha anc nagina finamira professiunala, ha però tschernì la musica sco accent da ses studis.

La chanzun “Schmetta cun quai”

Interpreta: Braida Janett
Musica, arranschament e producziun: Manfred Zazzi
Text: Roland Vöggtli
Guitarra: Jean-Pierre Von Dach
Chor: Leyla Stuber

Text:

Uei che voust,
ti'ögliada,
tû est eir ün da quels,
chi vezza be quai cha'l voul,
ed eu sun qua,
e'm saint masürada,
tenor stil e meis pais.
Inaspettadamaing hast ruot, bod tuot!

Tü at volvast be, volvast be,
ed eu di schmetta, schmetta!
Schmetta cun quai,
lascha a mai.

Uschè dastrusch,
co cha tü m'est,
sun rivà be pacs,
ed eu less eir cha tü sast,
eu sun qua,
per tai cun plaschair,
amur e paschiun.
Inaspettadamaing es tuot,
fos vi da mai!

Tü at volvast be, volvast be,
ed eu di schmetta, schmetta!
Schmetta cun quai!

Ingio chi's guarda's vezz'
adüna inchün,
chi'd es plü ferm, plü grond, plü bel,
dutsch co meil,
inchün chi croda sü in t'üna jà!
Eir sch'id es uschè,
lessa dir a tai meis char,
e taidl'a mai,
i da be ün co tü!

(Tut ils titels dal TOP POP Rumantsch èn da d'udir sin la pagina da
RTR: http://www.rtr.ch/rtr/radio/top_pop_rumantsch/index.html?siteSect=31013

Las emprimas 12 chanzuns èn ultra da quai cumparidas sin la DC «**TOP
POP Rumantsch vol. 1, 2005-2007**», da retrair tar: Radio Rumantsch, Via da
Masans 2, 7002 Cuir, www.rtr.ch, tel. 081 255 75 75.
Pretsch da vendita: CHF 20.- + spediziun.

Infurmaziuns:
Jachen Prevost, manader redacziun da musica RR
Tel. 081 255 75 75
E-mail: jachen.prevost@rtr.ch